



**Republika e Kosovës**  
**Republika Kosova – Republic of Kosovo**  
**ORGANI SHQYRTUES I PROKURIMIT**  
**TELO ZA RAZMATRANJE NABAVKE**  
**PROCUREMENT REVIEW BODY**



Organi Shqyrtues i Prokurimit (OSHP) Rruga "MIGJENI" (ish-Banka e Ljubllanës) Kati V-të, Prishtinë, Kosovë  
**Tel: +383 38 212 309 e-mail: [oshp@rks-gov.net](mailto:oshp@rks-gov.net)**

**PSH. nr.0486/24**

Në bazë të nenit 105 pika 1 dhe 2, neni 108/A paragrafi 7 dhe neni 109 të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/L-068, i plotësuar dhe ndryshuar me Ligjin 05/L-092, pas shqyrtimit të kërkesës së datës 15.07.2024 për tërheqje nga ankesa e parashtruar nga "ADEA CONSTRUCTION" SH.P.K me datë 07.06.2024, lidhur me aktivitetin e prokurimit "Ndërtimi i stacionit te pompimit rrjetit primar dhe rezervuarve te ujit, në pjesën lindore te Vushtrrisë" me numër të prokurimit VU644-24-3944-5-1-1, inicuar nga autoriteti kontraktues (AK) – "KOMUNA E VUSHTRRISË", Paneli Shqyrtues në përbërje nga Vjosa Gradinaj Mexhuani, Vedat Poterqoi dhe Batisha Ibrahimimi, me 17.07.2024, morën këtë:

**VENDIM**

1. Aprovohet kërkesa e datës 15.07.2024, e parashtruar nga "ADEA CONSTRUCTION" SH.P.K., për tërheqjen e ankesës me nr. 2024/0486 , e datës 07/06/2024, ankesë kjo e parashtruar për aktivitetin e prokurimit "Ndërtimi i stacionit te pompimit rrjetit primar dhe rezervuarve te ujit, në pjesën lindore te Vushtrrisë", me numër të prokurimit VU644-24-3944-5-1-1, inicuar nga autoriteti kontraktues (AK) – KOMUNA E VUSHTRRISË.
2. I lejohet, autoritetit kontraktues – KOMUNA E VUSHTRRISË që të vazhdojë më tutje me aktivitetin e prokurimit "Ndërtimi i stacionit te pompimit rrjetit primar dhe rezervuarve te ujit, në pjesën lindore te Vushtrrisë", me numër të prokurimit VU644-24-3944-5-1-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit.
3. Meqenëse parashtruesi i ankesës është tërhequr nga ankesa pas pranimit të raport të ekspertit shqyrtues, duke u bazuar në nenin 28.1 të Rregullores së Punës së OSHP-së, këtij OE, në emër të shpenzimeve procedurale i konfiskohet sigurimi i ankesës në vlerën e deponuar me rastin e parashtrimit të ankesës, kurse mjetet kalojnë në Buxhetin e Republikës së Kosovës.

## Arsyetim

Operatori ekonomik OE “ADEA CONSTRUCTION” SH.P.K me datën 07.06.2024, ka paraqitur ankesë në OSHP, lidhur me aktivitetin e prokurimit “Ndërtimi i stacionit te pompimit rrjetit primar dhe rezervuarve te ujit, në pjesën lindore te Vushtrisë” me numër të prokurimit VU644-24-3944-5-1-1, inicuar nga Autoriteti kontraktues (AK) – KOMUNA E VUSHTRISË.

Operatori ekonomik “ADEA CONSTRUCTION” SH.P.K me datën 15.07.2024 përmes e-mailit te OSHP-së ka njoftuar se tërhiqet nga ankesa lidhur me aktivitetin e prokurimit “Ndërtimi i stacionit te pompimit rrjetit primar dhe rezervuarve te ujit, në pjesën lindore te Vushtrisë” me numër të prokurimit VU644-24-3944-5-1-1.

Me rastin e informimit lidhur me veprimet e përshkruara si më sipër, Paneli Shqyrtues mori vendim për aprovimin e kërkesës për tërheqje nga ankesa duke i lejuar AK që ta vazhdojë aktivitetin e prokurimit (i përshkruar si më sipër) nëse AK nuk ka ndonjë ankesë tjetër për këtë aktivitet. Krahas kësaj po ashtu duhet theksuar se në të tilla raste mungon efekti pezullues i ankesës në kuptim të nenit 112, paragrafi 1, të LPP sipas të cilit dorëzimi i një ankese e obligon AK që automatikisht ta pezullojë zbatimin e aktivitetit të prokurimit në rastin konkret. Bazuar në faktet dhe rrethanat e përshkruara shkurtimisht si më sipër, konstatohet se janë krijuar kushtet (prezumimet ligjore) që të përfundoj procedura ankimore në këtë fazë, pa nevojë që të hapet faza e vlerësimit meritator lidhur me këtë aktivitet të prokurimit, sepse mungon objekti ankimor dhe elementet qenësore të ankesës sipas nenit 111 të LPP;

Bazuar në faktet dhe rrethanat e përshkruara shkurtimisht si më sipër, konstatohet se janë krijuar kushtet (prezumimet ligjore) që të përfundoj procedura ankimore para OSHP në këtë fazë dhe lidhur me këtë aktivitet të prokurimit, për faktin se:

- a) mungon objekti ankimor dhe elementet qenësore të ankesës sipas nenit 111 të LPP;
- b) ankuesit, i mungon statusi i palës së interesuar, sipas nenin 4, paragrafi 1.26 të LPP.

Në këtë rast duhet theksuar se në kuptim të nenit 13, të Ligjit për procedurën e përgjithshme administrative (LPPA), secili person ka të drejtë të ushtrojë mjetet juridike kundër një veprimi apo mosveprimi administrativ të organit publik që i cenon një të drejtë apo një interes juridik. Kurse në kuptim të nenit 109, paragrafi 1, të LPP, po ashtu parashihet se çdo palë e interesuar ka të drejtë të parashtojë ankesë pranë OSHP. Mirëpo, në kuptim të parimeve bazë të legjislacionit, posaçërisht parashikuar me dispozitën e nenit 93 të Ligjit për Procedurën e përgjithshme administrative, kjo njëherësh kjo nënkupton faktin se çdo palë e interesuar ka të drejtë po ashtu ta ndryshoj (plotësoj, përmirësoj, precizoj) ankesën dhe po ashtu ta tërheq atë. Në fakt, Paneli Shqyrtues ka konfirmuar

në kuptim të nenit 110 të LPP andaj janë krijuar kushtet që procedura në këtë çështje juridiko administrative të përfundoj në kuptim të nenit 97 të LPPA.

Megjithatë Paneli Shqyrtues i vë në dijeni AK, në çdo aktivitet duhet të veproj konform dispozitave dhe autorizimeve ligjore siç parashihen ato me nenin 1, 6, 7, 27, 28, 59, 60, 65 të LPP-së.

Prandaj bazuar shkurtimisht në të lartcekurat, Paneli Shqyrtues vendosi si në dispozitiv të këtij vendimi.

Kryetare e Panelit Shqyrtues

Vjosa Gradinaj Mexhuani

**KËSHILLË JURIDIKE:**

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës Komerciale - Departamentit për çështje Administrative për anulim vendimi në afat prej 30 ditësh nga data e pranimi të vendimit.